

29. April

Nammisornersorlutik Oqartussat kommunillu Danmarkimi nunanilu allani kiffartuussiner-nut atatillugu aningaasartuutigisartagaasa Naalakkersuisut UKA 2017-mut misissuiner-mik saqqummiussinissamik suliniuteqaqqullugit inatsisartut aalajangiiffigisassaattut siunnersuut. Misssuiner-mi aamma innersuussutit qanoq ililluni nunatsinni kifartuussinerit atorluar-neqarnerusinnaaner-at, taamaalilluni nunatta avataaniit kiffartuussinerit annikillisarnissaat anguneqaqqullugu.

(Inatsisartunut ilaasortaq Anthon Frederiksen, Partii Naleraq).

Inatsisartunut ilaasortap Anthon Frederiksen-ip Partii Naleraq aalajangiiffigisassatut siunnersuutaan-ut imaattumik Siumumiit oqaaseqassuugut.

Ukiorpasuar-ni nunatta ilisarnaatigaa nioqqutissatigut kiffartuunneqarnikkullu Danmarkimiik pilersor-neqar-neq. Tamanna tamatta nalunngilarput, ukiumi 100-likkaani attaveqarsimanitta kingunera taannaavoq.

Namminersornerulluni Oqartussaaneq eqqunneqarmat suliassaqarfiit amerlasuut tingooqqarne-qarnissaat siunertaavoq, tassani ilaallutik niuernikkut kiffartuussinikkullu pilersornitta nammineer-nerusumik ingerlatilernissaat.

Danmark-imut attaveqarnerujussuatta kiffartuussinernilu atuinerujussuatta ilaatigut inuussutissar-siutit amerlasuut nunatsinni ingerlanneqartut Danmarkimut annertuumik aningaasaqarniarnikkut attaveqalersissimavai.

Qallunaat Nunaata naalagaaffiata ataani inissisimanitsinni ukiumut 3,6 milliardit missaai nunatta ingerlanneqarneranut assigiinngitsutigullu suliaqarnitsinnut tunniunneqartarput.

Aningaasat qulaani taaneqartut siunertariniagai tassaapput nammineerluta nunatsinni ingerla-tatsinnut aqutsisuullutalu aningaasalersuissasugut.

Ajoraluartumilli annertoorejussuarmik nunatta avataanut suliakkersuineq ullumikkut annertoq ingerlanneqarpoq. Aningaasat nunatsinni nunatsinnullu iluaqutaasumik kaavittussaagaluit killilimik sunniuteqartarlutik.

Siuliini taasagut aallavigalugit Siumumiit isumaqarpungut Nunatta Danmarkillu akornani aningaasatigut inuussutissarsiornikkullu suleqatigeeriaatsimik nutaaliaanerusumik pilersitsisoqartariaqartoq.

Inatsisartunut ilaasortap Anthon Frederiksen-ip Partii Naleraq Naalackersuisut misissuinissamik suliniuteqarnissaannik siunnersuutaanut ilaliilluta taamatut Siumumiit oqaaseqarpugut.

Jess Svane

Siumut